

JAVNO PREDUZEĆE „TOPLANA“ d.o.o. BANOVIĆI

Željeznička bb, 75290 Banovići, Bosna i Hercegovina; Tel./fax: 00387 (0) 35 875 354;

E-mail: musfin.h@hotmail.com

Registracija Općinski sud u Tuzli broj: 032-0-Reg-10-001292 od 26.10.2010. godine; MBS: 32-05-0008-10

PDV broj: 209997640005; ID broj: 4209997640005; Porezni djelovodni broj: 03422346

Transakcijski račun broj: 1321302009328027 „NLB Banka“ d.d. Sarajevo

Broj: 01-59/21

Datum: 18.02.2021. godine

Na osnovu člana 69. stav 3., člana 70. stav 1., 2., 4. i 6. Zakona o javnim nabavkama („Sl. glasnik BiH“, broj: 39/14) i člana 40. Statuta JP „Toplana“ d.o.o. Banovići broj: OPU-IP: 67/11 od 25.02.2011. godine, direktor donosi

ODLUKU

o otkazivanju postupka javne nabavke

Član 1.

Otkazuje se otvoreni postupak javne nabavke vrelovodnog kotla toplotne snage 10 MW skupa sa obavještenjem o javnoj nabavci broj: 5559-1-1-8-3-5/20, objavljen na Portalu javnih nabavki dana 21.10.2020. godine.

Član 2.

Postupak se otkazuje u skladu sa članom 69. stav (3) Zakona o javnim nabavkama („Sl. glasnik BiH“, broj: 39/14) zbog dokazivih razloga koji su izvan kontrole ugovornog organa i koji su nastali nakon pokretanja postupka javne nabavke.

Postupak se otkazuje iz razloga nedostatka finansijskih sredstava za ovu nabavku, obzirom da je isti pokrenut na osnovu sredstava planiranih Budžetom općine Banovići za 2020. godinu, da isti nije okončan u budžetskoj godini za koju su u Budžetu općine Banovići bila planirana sredstva, da sredstva za okončanje predmetne nabavke nisu planirana Budžetom općine Banovići za tekuću 2021. godinu, te da ugovorni organ nije raspolagao, niti raspolaže sredstvima za tu namjenu.

Član 3.

Ova odluka stupa na snagu danom donošenja i ista će se objaviti na internet stranici ugovornog organa _____ ili internet stranici općine Banovići kao osnivača (www.banovici.gov.ba) u skladu sa članom 70. stav (6) Zakona o javnim nabavkama („Sl. glasnik BiH“, broj: 39/14)

Obrazloženje

Odlukom o pokretanju javne nabavke roba broj: 01-370/20 od 16.10.2020. godine pokrenut je postupak javne nabavke roba „Nabavka vrelovodnog kotla toplotne snage 10 MW“.

Obavještenje o nabavci broj: 5559-1-1-8-3-5/20 objavljeno je na Portalu javnih nabavki dana 21.10.2020. godine.

Uzimajući u obzir da je predmetni postupak pokrenut u skladu sa planiranim sredstvima u Budžetu općine Banovići za 2020. godinu, da predmetni postupak pokrenut u skladu sa planiranim sredstvima u Budžetu nije okončan u toku kalendarske godine za koju su sredstva planirana, da ugovorni organ ne raspolaže sredstvima za okončanje predmetnog postupka, te da ista nisu planirana u Budžetu općine Banovići za 2021. godinu, proizilazi da se predmetni postupak otkáže iz razloga nedostatka finansijskih sredstava, što je u predmetnom slučaju izvan kontrole ugovornog organa.

Shodno navedenom u skladu sa članom 69. stav (3) Zakona o javnim nabavkama („Sl. glasnik BiH“, broj: 39/14) koji glasi: „**Ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke**“, postupak se otkazuje.

Kako je ugovorni organ predmetnu nabavku planirao i raspisao u skladu sa planiranim sredstvima općine Banovići za 2020. godinu, da isti nije raspolagao niti raspolaže vlastitim sredstvima, te da Budžetom općine Banovići za 2021. godinu ista sredstva nisu planirana, postupak u predmetnoj nabavci se otkazuje usljed razloga koji su izvan kontrole ugovornog organa.

Iz navedenog razloga, primjenom člana 69. stav 3. Zakona o javnim nabavkama („Sl. glasnik BiH“, broj: 39/14) odlučeno je kao u dispozitivu ove odluke.

Pouka o pravnom lijeku

Protiv ove odluke dopuštena je žalba. Žalba se izjavljuje Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

Žalba se izjavljuje u pisanoj formi direktno, elektronskim putem ili preporučenom poštanskom pošiljkom na adresu: JP „Toplana“ d.o.o. Banovići, ulica Željeznička bb, 75290 Banovići.

Žalba se podnosi u najmanje 3 (tri) primjerka.

Dostavljeno:

1x ponuđači,

1x Komisija za javne nabavke,

1x a/a

